

بالجہ ہررات نور عثمانیہ جادہ سندہ
الحضارہ غزنیسی ادارہ خانہ سندہ
احسان بک نامہ کوندرلیدر .

شرائط اشترا

سنہ لکي عمام عثمانیہ ایچون
۳۰ فروش ، مصر و عمام اجنبیہ
ایچون ۷ فرانکدر .

تصوف

التصوف کله آداب : ابو حفص عمر بن مسلمہ

عرفای امتک مقالات عارفانہ لرینہ تصوفک حقیقہ لری آجیقدر

صاحب امتیاز و سر محرری
اورقہ مبعوثی

شیخ صفوت

مرکز توزی باب عالی جادہ سندہ

جمعیت کتب خانہ سیدر

نسخہ سی ۲۰ پادر



تصوفه متعلق مباحث شتادن باحث و مکارم اخلاق اسلامیک تممینه خادم مجله معنوبه در

وظیفہ

نام اقدس آلی و امداد مقدس جناب رسالت بنامی
برکات و نفعاتہ متوسلاً مقدمہ آتیہ و مباحث تالیفہ
ابتدا ایتمک نیات حسنہ و خدمات مستحسنہ تک تحلیات
و انعمی الطاف ربانیہ و توفیقات سبحانیہ دن مسئول و متمنادر .

مقدمہ

مبحث مخصوصندہ آبروجہ ایضاح و تفصیل ایدیلہ چی
اوزرہ مساوات و عدالت ، اتحاد و اخوتہ و بالجلہ مکارم اخلاق
انسانیتہ علماً و عملاً بر وسیلہ مهمہ اولسنہ نظر احاکیت
ملیہ ایلہ مناسبہ . کلیسی اولان تصوفک اصول و فروعی ،
مبادی و مقاصدینی و مباحث متنوعه سی حاوی بر مجله
معنوبہ تک مطبوعات عثمانیہ اراسنندہ تأسیسی اعلان
مشروطیتدن بری وارد خاطر اولقمده ایدی ، و لاسیما سادات
صوفیہ تک مسالک قدیمہ ، مبعولسی نائنه مرور زمان ایلہ
عارض اولان تشبہات باطلہ بیتمه سیلہ اسلاف کزین رضوان
الله تعالی علیهم اجمعین حضراتہ قدر سراجی ملحوظ
بولتان نظون فاسدہ و افکار جاحدہ دن طرق علیہ فی تزیہ
و تقدیس ایلک نیت خالصانہ سیلہ متقدمین و متأخرین
صوفیہ تک عقائد و معادلاتہ ، احوال و مقاماتہ و اسرار
و اشعارانہ ناظر و بوفلرک کتاب وسنت ایلہ مشید و مؤید

اولدیفندائر نشریات مناسبہ امور واجبه صرہ سنہ کچمش
ایدی

هجرت نبویہ تک در تیز اوتوز برنجی سنہ سندہ اجلہ
رجال صوفیہ دن امام عبد الکریم ابن ہوازن قشیری
حضر تلمی عین مقصدی تعقیب ایلہ (رسالہ قشیریہ)
عنوانیلہ شهرت شمار اولان اثر جلیلی قلمہ آتش و ممالک
اسلامیہ دہ معاصر ی بولتان طوائف صوفیہ ی نشر و توزیع
ایتش ایدی . امام مشار الیہ حضرتلمی دہا اوزمان
طریق صوفیہ دہ مشہودی اولان قوت و تقیردن بخلمہ تک
مؤثر شکایتلر دہ بولنشدر . بوطریق علینک علویت و قدیمتی
اثبات و ایضاح ایتمک اوزرہ رسالہ تک بر باب مخصوصندہ
اعظام رجال طریقت و ائمہ کزین حقیقتدن سکان اوج
قدر ذوات کرامتک تراجم احوالی یازشددرک : بومیانہ دہ
کندی زمانہ تک زیادہ قریب اولق اوزرہ ابو عبد الله
محمد بن حنفیہ شیرازی حضرت تلمی تک تاریخ وقتی اوجوز
طقسان برسنہ ہجریہ سنہ مصادقدر ، بو تاریخ ایلہ رسالہ
مذکورہ تک زمان تألیفی اراسنندہ انجق یازم عصرہ قریب
بر مدت بولنیور . و ایشتہ قشیری حضرت تلمی دن داغدار تأثر
ایلیان قوت و تقیر شو مدت قلیلہ ظرفندہ تحدد ایتمش
اولیور و اقما بو تاریخندن صوکرہ عبد القادر جیلانی ،
جلال الدین رومی ، محی الدین ابن عربی قدس الله تعالی
اسرارهم حضرتلمی کی سر آیدان ازباب معرفت و مجیدین

عظام طریقت یرایه ساز عالم شهادت و المثلر ایسده عصر
 مره قدر مرور ایدن قرون عدیده نك و خصوصیه استبداد
 ایامسده سراپا معالم دینیہ اوزرنده روا کوریلان مظالم
 شدیده نك تأثیرات عظیمه سی طریق صوفیه بی دخی تحریکات
 البیہ دوچار ایتمش و قشیری حضر تارینك شکایت ایلدیکی
 زمان ایله قیاس و قیمت قبول ایده . به جک بر حاله کتیر مشدر .
 بناء علی ذلک مشروطیتک فیوضات و فتوحاتدن بالاستفاده
 مسالک سائرہ کی طریق صوفیه نك دخی تجدیدات لازمه
 مظهری اسبابی ارباب قلوب اراسنده تأمل و تصور ایدلجکه
 اهل نیک تشبثات عارفانه لرینه وسیله مطالعات اولماق اوزره
 اول امرده بر تصوف جریده سنك تأسیسی نظر دفته
 تقدہ ایدی .

استبدادک زمان ماضی جاهلیتده اخلاق عمومیہ نك
 تهذیبیه خادم اوله بیله جک بویله بر مجله 'اخلاقیه نك' تأسیس
 و نشرینه امکان تصور اولسنده من ایدی . لیکن محول الحول
 و الاحوال آمالی و تقدس حضر تارینه هزاران حمد و ثنایر
 اولسون ؛ محاسن اخلاق انسانیتک برر تمثال جمعی اولان
 اصحاب جلالنک غیر تاریلہ شریعت غرای اسلامیہ نك احکام
 جایله سنه توفیقاً تأسیس ایدیلان مشروطیت مشروعه مزک
 سربستی مطبوعاتی سایه سنده بوکون او مانه لر کلیا محو
 و نابود اولمشدر . دور جدید مشروطیتک وطن و مائمه تأمین
 ایلدیکی منافع عمومیہ نك بری واک برنجیمی سربستی مطبوعات
 قضیه مهمه سیدر . فلهمذا اعلان مشروطیتی متعاقباً ملت
 معظمه عثمانیه حریت مقصوده کلامیه سی استرداد ایتمکله
 استبداد ایامنده بر کلمه سی بیله تلفظ ایدیله میان مباحث شای
 علم و حکمت صحائف مطبوعات اوزرنده تجلیه ساز عبون امت
 اولمش و علوم و فنونک شعباتده هیئت عمومیہ سی اعتباریلہ
 مدت قلیله طرفنده نك مهم بر انکشاف و تجلی حصول
 بولمشدر . یالکن علم جلیل تصوفک صدای روحانی سی بو
 آه قدر هنوز سامعه نواز محبین اولماش ایسده سادات
 صوفیه نك ، شاهرار عارفانه سالک اولان اخوان طریقنک
 قلوب منورہ سی هر آن بویله بر مجله 'معنویه نك' ظهورینه
 متوجه بولمقده ایدی . ایسته اسباب لدنیہ ایلہ بو توجهات

دائم قلییه وقت مرهونی حلول ایتمکله محرر عاجزی تصوف
 جریده سنك تأسیسنه سوق ایلدی . بویله بر امر جسیم
 و تثبیت عظیمک ایقاسنه مدار اوله جق کفایت و اقتدارک
 ذره سنه بیله مالک اولدیلم حالدہ بو جسارت محض ارباب
 قلوبک همتلرینه و عرفای امتک جدی و دائمی معاونلرینه
 اعتقاد ایتمکدن منبعتدر .

حق تجلی الیمنجه هر ایشی آسان ایدر

خلق ایدر اسبابی بر لحظه احسان ایدر

تصوفک نهرست مباحثاتی سادات صوفیه نك عقائدی .

اصطلاحاتی ، تراجم احوالی ، اشعار و ادبیاتی ، منازل
 و مقاماتی کی موضوعی دائره سنده مسائل شتادن عبارت اوله جق
 و اخلاق عمومیہ اوزرنده تأثیرات حسنہ سی امیدیلہ اک
 زیاده تهذیب نفوس و مکام اخلاق صوفیه مبتکرانه اهتمام
 ایدیلہ جکدر چونکه : مشاهیر سادات صوفیه دن ابو حفص
 عمر بن مسلمہ حضر تارینك تعریف عارفانه لری اوزره
 تصوف سراپا اداب انسانیه دن عبارت بولمقله بو مسلک
 جلیک غایتی بر انسانک حق تعالی حضر تاریلہ مخلوقاته قارشو
 وجائب عبودیت و وظائف انسانیتی ایفا ایدرک انسان کامل
 اولمسیدر .

ومن الله سبحانه و تعالی الهدایة و التوفیق

صوفیه و تصوف

(صوفیه) تصوف کلمه سنك مأخذ اشتقاقی اولان (صوفی)
 نك جمعیدر بوسمک اسمیه سی خصوصنده اشتقاق و معانی
 ملاحظاتیله صوف و صفة یا خود صفا وصف کلمتیه منسوب
 اولماق اوزره وجوه عدیده ایراد ایدلش ایسده بونلرک
 هر بری یاقیاس و اشتقاق یا خود مناجه قلملاً موافق
 و قسماً مخالف بولمشدر . مثلاً طائفه صوفیه نك بوکدن
 معمول البسه اکتناسی اعتبار و شمار ایدن دکرینه
 نظراً یوک مناسنه اولان (صوف) کلمه عربیه سنه
 نسبتله صوفی دینلمش اولسی قیاس و اشتقاقه موافق ایسده
 امام قشیری حضر تارینه کوره صوفیه نك بونوع لباس ایلہ